



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

3670

291.71

L-15



1-15

# ԵՐՐՈՐԴ ՈՍԿԻ

## ԼՈՒՆ Ե. ԼՆԿԻԴԻԻ

(պարզեատրուած Ս. Պետերբուրգի  
Ֆրեզեյեան ընկերութիւնից)

V

Թարգմանութիւն

ՅԱՐՈՒԹԻՒՆ ՍԱՐԿՍԻՍԻ ԱՂԱՆԵԱՆՑ  
(ԱՌԱՔԵԼԵԱՆՑ)

### ՏՓԻՒՍ

Ի ՏՊԱՐԱՆԻ Ա. ՄԷԼԻՔ—ՇԱՀՆԱԶԱՐԵԱՆՑ

1879

1008  
36131

~~333~~  
~~351~~     ~~333~~

513

660/2  
333 համար

2  
333 համար  
Վրէժ  
ՅՈՒՆ  
ՅՈՒՆ

99 համար

2003

2013



31508-42

Ջը երեք ոսկի կար, նո՛ր նո՛ր, ու ինչ-  
պէս էլ փայլո՛ւմ էին: Դերձակը քրտ-  
նալուայ եղաւ... մի հատ ոսկի վերցրեց  
ու դրեց կօշկի մէջ...: Յետոյ քնացած  
բոլոր բաները կարգի դրեց, դարձեալ կա-  
պեց և դրեց այնտեղ, ուր ձգել էր ան-  
ցաւորը...

Նա շատ սիրով կվերցնէր երեք ոս-  
կին էլ, բայց վախեցաւ անցաւորից: Մէկ  
ոսկու համար սա անշուշտ այնքան շատ  
չէր խօսի, որքան երեքի համար: Ի հար-  
կէ շատ լաւ կլինէր, եթէ նա ամենևին  
չտեսներ էլ կապոցը, այն ժամանակ բո-  
լոր երեքն էլ կարելի էր վերցնել. բայց  
ի՞նչպէս իմանար այս...:

Անցաւորը վերադարձաւ գիւղացու  
մօտից և վերցրեց իւր կապոցը. նա իս-  
կոյն բաց արեց (դերձակը դարձեալ քրտ-  
նալուայ եղաւ), վերցրեց քսակը, բացեց  
և...

— Ուր է երրորդ ոսկին... հարցրեց  
դերձակին...

Дозволено Цензурою. Тифлисъ 5 Марта 1879 г.

14549-589



Սա պատասխանեց թէ ամենեին չգիտէ.

— Այդ ի՞նչ երրորդ ոսկի է, որ ասում են:

Անցաւորը քսակը ցոյց տուեց ու ասաց.

— Արբ ես այստեղ եկայ, սորա մէջ երեք ոսկի կար. մի բոպէ հեռացայ, զընացի զիւղացու մօտ և այժմ երկուսն է մնացել... Դ՞ո՞ւ էս արդեօք երրորդը վերցրել...:

— Ի՞նչ, դու էլ, ես ոչինչ չգիտեմ:

— Ի՞նչպէս թէ ոչինչ չգիտես: Ուրեմն այստեղ բացի քեզանից ուրիշ մարդ էլ է եղել:

— Ո՛չ որ չե եղել:

— Ուրեմն դու ես վերցրել:

— Աստուած վկայ, չեմ վերցրել: Ես ուրիշե կապոցը կբերէի: Աստուծոն էլ յայտնի է, որ ես չեմ էլ մտածել, թէ դու այստեղ կարող էիր փող ունենալ...

— Այդ ուղիղ է, որ Աստուած աս-

մեն բան տեսնում է, ծանր կերպով ասաց անծանօթը (այսպէս անուանենք անցաւորին) և յետոյ շարունակեց. — Դեհ, եթէ որ դու չես վերցրել, էլ խօսելն անելորդ է. թողնենք այդ բոլորը: Աւելի լաւ է ինձ ասես թէ ո՛ւր ես գնում:

Դերձակի սիրտը մի փոքր հանդարտեց. նա ուրախացաւ, որ այդպէս հեշտ ազատուեց ոսկիների տիրոջից, այնուհետև սկսաւ անդադար խօսել ու խօսել և պատմել անծանօթին իւր գլխի բոլոր անցածը...: Անծանօթը ուշադրութեամբ լսում էր նորան և սպասելով մինչև պատմութեան վերջը, ասաց.

— Տե՛ս, քեզ ինչ եմ ասում. արի միասին գնանք քաղաք, ես էլ գործ ունիմ այնտեղ: Ես այնտեղ շատ ծանօթներ էլ ունիմ. քեզ կծանօթացնեմ նոցա հետ և կարճ միջոցում շատ գործ կգրտնես ու այնտեղ լաւ կապրես քեզ համար...:

Դերձակը շատ շնորհակալ եղաւ,



(նա արդէն անձանօթին համարեց մի նշանաւոր մարդ շորերը փոխած) և նոքա անյապաղ ճանապարհ ընկան...

Բ.

Տասը վերստի չափ գնալով նորա հասան մի իշխանի հարուստ կալուածքին, ուր և գտնուում էր նորա տունը: Արդէն մօտեցան իշխանի տանը ու սկսան նայել նորան. իշխանի սպասաւորը, որ մի երևելի մարդ էր, նոցա ճանապարհք կտրեց...

— Ի՞նչ ես ուզում հարցրեց անձանօթը...:

— Իշխանը հրամայել է ինձ՝ այս կողմ անցնողներից տեղեկանալ, թէ չկայ՞ արդեօք նոցա մէջ մի հմուտ բժիշկ, որ կարողանար բժշկել մեր իշխանուհուն. տաս տարի է, ինչ որ նա հիւանդ է և մինչև այսօր հրաւիրած բժիշկներից ոչ ոք չէ կարողացաւ օգնել նորան...

— Յայտնեցէ՛ք իշխանին, ասաց անձանօթը, ես բժշկապետ եմ. եթէ Աստուած կամենայ՝ կ'օգնեմ նորան...

« Հա՛, ուրեմն դու մի երևելի մարդ չե՛ս եղել, », մտածեց իսկոյն դերձակը, երբ լսեց այդ խօսքերը. « բժշկապետ, այսինքն մի հասարակ բժիշկ. ա՛յ դուք սատանաներ, հարստների մօտ լաւ կոտորուում էք, իսկ աղքատներին չէք էլ նայում երեսին, », ...: Այս պատճառով նա վատ աչքով սկսաւ նայել անձանօթին. երկու թէ երեք բժիշկներ, որոց հետ նա զործ էր ունեցել իւր կեանքում, նորա վերայ վատ տպաւորութիւն էին արել և այժմ իւր անքաղաքավարութիւնից ու չարութիւնից բոլոր բժիշկներին անագնիւ համարեց...

Անձանօթին ու դերձակին ներս տարան լայն բազր: Իշխանը դուրս եկաւ պատշգամբը և նոցա տուած ողջունի փոխարէն՝ հազիւ մի փոքր գլուխը շարժեց. նա վեհանձն էր երևում ու խիստ



և կարծես չէր սիրում շատ խօսել:

— Չեզանից ո՞րն է բժշկապետը:

Անձանօթը առաջ եկաւ...

— Յա՞նձն ես առնում առողջացնել:

— Եթէ Աստուած կամենայ, կօզնեմ:

— Ա՛ւ. բայց եթէ չես բժշկի, տեսնո՞ւմ ես այն մեքենան: Հողեհանիդ այնտեղ կ'տեսնես:

Անձանօթն ու դերձակը յետ նախեցին, որ կողմն որ ձեռքով ցոյց տուեց իշխանը. բակի ծայրին մի ահագին կախաղան կար շինած... Դերձակի մարմինը կարծես ասեղներով ծակծկեցին: Անձանօթը ամենևին չզիտթուեց. նա հանդիստ էր և ոչինչ չպատասխանեց... Արցա ներս տարան ննջարանը հիւանդ իշխանուհու մօտ (դերձակին բժշկի օգնական կարծելով ներս թողին. նա մինչև անգամ հետաքրքրում էր տեսնել թէ ինչպէս պետք է անձանօթը բժշկէր այդպիսի երկարատև հիւանդութիւնը)... Անձանօթը իսկոյն գործի կացաւ. պահանջեց

մի կոնք ու լաւ ջուր. երբ այս ամենը բերին, հիւանդին ոտից գլուխ մերկացրեց, նստացրեց կոնքի մէջ ու սկսեց ջուր ածել ու լուանալ նորան... Հիւանդը հառաչում էր և ամենևին չէր կարողանում տեղից շարժուիլ. յետոյ կարծես անշնչացաւ. աչքերը փակեց ու ամենևին չէր կարողանում այլ ևս ձայն ծպտուն հանել... Արբ որ անձանօթը լողացրեց հիւանդին, շորերը հագրեց և նորից դնելով մահճակալի վերայ սկսաւ փչել նորան. մի անգամ փչեց՝ հիւանդը աչքերը բացեց, դարձեալ փրչեց՝ հիւանդը վերկացաւ ու նստաւ մահճի մէջ. երրորդ անգամ էլ որ փչեց՝ հիւանդը սկսաւ մանդալ սենեկում միանգամայն առողջ և ուրախ...

Իշխանը չափազանց ուրախացաւ. նա վարձատրեց անձանօթին երեք պարկ ոսկով, նմանապէս ընծայեց մի ձի ու մի սայլ և միշտ կրկնում էր. «Հնորհակալ եմ ձեզանից, բարի մարդիկ, Հնորհակալ



եմ, : Անծանօթը շատ համեստ կերպով  
 ընդունեց նորա շնորհակալութիւնը, իսկ  
 դերձակը երբ լսեց իշխանի շնորհակալու-  
 թիւնը, իւրեան էլ «բարի մարդոց», թւում  
 դասեց և սկսեց մտածել, թէ ինքն էլ  
 բոլորովին անօգուտ չէր այս գործի մէջ. :  
 Քայց ամենից շատ գրաւում էր նորան  
 երեք պարկ ոսկին. մի՞թէ անծանօթը  
 մի բուռն անգամ չէր տալ նորան :

Գ.

Նորա հեռացան իշխանի կալուած-  
 քից ու առաջ գնացին : Այժմ լաւ հան-  
 գիստ էին. ոտով ու ձիով մանգալու  
 մէջ մեծ զանազանութիւն կայ. յետոյ  
 ձին էլ ի՛նչ կուշտ էր ու առո՛յգ. եր-  
 կու մարդուն ու այնքան ծանրոցը այն-  
 պէս էր տանում, ինչպէս մի փութ բան :  
 Մէկ այնպէս էլ վազում էր, որ թրու-  
 չունը ետեւից չէր համնի : Բերձակի նա-  
 խանձն ու չարութիւնը զրգուռել էր.

«Մարդիկ բազմ ունին. մտածում էր նա,  
 «իսկ ես ամենեւին : Ինչո՞ւ համար այս-  
 «քան ոսկի տուին սորան. հենց միայն  
 «նորա համար, որ ջրով լուաց ու փը-  
 «չեց : Այդ հօ ես է՛լ գիտէի. մի մեծ  
 «բան չէ ջրով թրջելն ու փչելը. . . Ես  
 «էլ կարծում էի, թէ մի նոր բան է անե-  
 «լու, իսկ արի տես, թէ ինչ դատարկ  
 «բաներով ոտի կանգնացրեց հիւանդին :  
 «Այդ հօ ես էլ կարող եմ անել. լա՛ւ,  
 «թող մի դէպք էլ պատահի, ես գի-  
 «տեմ, :»

Բարձեալ տաս վերստաչափ տեղ  
 անցան նոքա, նայեցին— տեսան մի ու-  
 բիշ իշխանական կալուած, մէջն էլ իշ-  
 խանի տունը. մտան բակը. արդէն իշ-  
 խանի հոյակապ տան մօտիցն էին անց-  
 նում, երբ յանկարծ, չիմացան որ կող-  
 մից, մօտեցաւ նոցա մի սպասաւոր և  
 ձիու սանձը բռնելով՝ ասաց.

— Սպասեցէ՛ք. իշխանը պատուիրել  
 է ինձ այստեղից անցնող բոլոր մարդ-



կանցից տեղեկանալ, թէ չկայ արդեօք նոցա մէջ մի հմուտ բժիշկ, որ կարողանայ բժշկել մեր իշխանուհուն. ահա՛ քսան տարի է, որ նա հիւանդ է և մինչև այսօր որքան բժիշկ էլ հրաւիրել ենք՝ ոչոք չի կարողացել բժշկել:

Անձանօթը ուզում էր խօսել, բայց դերձակը անբաղաքավարութեամբ ձեռքով փակեց նորա բերանը ու ինքը պատասխանեց ծառային.

— Ասա՛ իշխանին, որ ես բժիշկ եմ. եթէ կամենամ՝ կարող եմ բժշկել:

Սպասաւորը գնաց իշխանին յայտնելու, իսկ դերձակը փոքր ինչ հեռանալով անձանօթից՝ սկսաւ մտածել. «միմիայն դու չպէտք է բժշկես, թող մի փոքր ուրիշն էլ շահուի...: Քսան տարուայ հիւանդ է և ոչ թէ տասը տարուայ առաջուայ հիւանդի պէս: Դորա համար էլ շնորհակալութիւնը շատ աւելի մեծ կլինի առողջացնելուս համար. գուցէ ոսկի էլ շատ ունենամ քեզանից...»

Նոցա ներս տարան իշխանական տան լայնարձակ բակը, ուր այս անգամ ինքեանք նկատեցին կախաղանը (դերձակը իսկոյն դէմքը շուռ տուեց ու շտապեց փախչել այդ զարհուրելի գործիքը տեսնելուց)... Իշխանը դուրս եկաւ պատշգամբը, նա նոյնչափ ծանրատեսիլ էր ու խիստ, որքան և առաջինը:

— Չեզանից սրն է բժիշկը, հարցրեց նա:

Դերձակը ծանր կերպով առաջ եկաւ...

— Յա՞նձն ես առնում առողջացնել:

— Այո՛, բանձն եմ առնում. հենց դորա համար եմ բժիշկ: Աթէ կամենամ կարող եմ անշուշտ բժշկել, այս առաջին անգամը չէ, որ այդպիսի գործ ենք կատարում:

Դերձակը իւր պատին աւելացնելու համար՝ սուտ էլ խօսեց. բայց իշխանը որոշ պայման դրեց նորա հետ.

— Ա՛յլ, ասաց նա. իսկ եթէ չես

14549-58

1008  
36131



առողջացնի, այն ժամանակ, տեսնում ես այն մեքենան, նա կտայ քեզ պատասխան:

Դերձակը վախեցաւ ու դեղնեց. բայց իսկոյն ուղղուեց ու իշխանի հետ գնաց հիւանդի մօտ... Անձանօթը այս անգամ հետաքրքրութիւնից շարժուած հետեւեց նորան...

Անձանօթի արածի պէս, դերձակը պահանջեց կոնք ու մարուք ջուր. այս բոլորը բերին ու նա մերկացնելով հիւանդին նստացրեց կոնքի մէջ, սկսաւ ջուր ածել նորա վերայ և լուանալ. հիւանդը հառաչում էր, իսկ յետոյ անշնչացաւ...: Աողացնելը վերջացնելով՝ դերձակը շորերը հազցրեց նորան ու պառկացրեց մահճակալի վերայ. յետոյ սկսեց փչել. մի անգամ փչեց, երկրորդ անգամ էլ փչեց, երրորդ անգամ էլ, տաս, քսան անգամ էլ, — բայց ոչինչ օգնութիւն չեղաւ հիւանդին: Հիւանդը մեռածի պէս պառկած էր. ոչ աչքերն

էր բաց անում և ոչ մարմնի որ և իցէ մասը շարժում...

Մի քանի անգամ անցուղարձ արեց մեր դերձակը սենեկի մէջ չտեսնելով ոչինչ բան ու դարձեալ սկսաւ փչել հիւանդին. փչեց, փչեց, մի ամբողջ ժամ փչեց. կէս օր փչեց, շատ փքուելուց կապտեց, բայց ոչինչ հետևանք չունեցաւ. հիւանդը անշունչ պառկած էր:

Յուսահատութիւնից նա դիմեց անձանօթին.

— Ի՞նչ անեմ: Ի՞նչ ի՞նչպէս փչեմ: Սովորցրո՛ւ, 'ի սէր Աստու, թէ չե կորած եմ:

— Ի՞նչ կ'սովորցնեմ: Բայց նախ և առաջ ինձ ասա, թէ ի՞նչ եղաւ երրորդ օսկին...

— Ա՛յ, դու դեռ հին բաներից ձեռք չես վերցնում: Ի՛նչ, ես ի՞նչ զիտեմ ինչ եղաւ: Ես չեմ վերցրել: Օգնիր, Աստուածդ սիրես, բարութիւն արա ինձ: Ա՛յ, թէ չե կ'կախեն ինձ:



— Դեռ առաջ ասա, թէ երրորդ  
օսկին ո՞ւր է:

Իշխանն արդէն տեսաւ, որ այդ բը-  
ժիշկը բանի շնորհք չունի, հրամայեց որ  
կախեն. կապեցին խեղճ բժշկին ու քար-  
շեցին կախաղանի մօտ... Դերձակը ընդ-  
դիմանում էր, լաց էր լինում և անդա-  
դար խնդրում էր անձանօթից, որ սո-  
վորցնի. «Խնդրեմ փշեր, ինչ կպակսի  
քեզ: Գոնէ մի փոքր փշեր, թէ չէ բո-  
լորովին կորած եմ ես... Իսկ անձանօթը  
անդադար պնդում էր թէ «ասա՛, ո՛վ  
վերցրեց երրորդ օսկին»,:

Սակայն դերձակը չխոստովանեց իւր  
գողութիւնը. նա արդէն նոյն իսկ կա-  
խաղանի տակ էր, բայց դարձեալ նոյն  
պատասխանն էր տալիս. «Չգիտեմ, ես  
չեմ վերցրել, Աստուած վկայ է, որ ես  
չեմ վերցրել»,:

Անձանօթը խղճաց կամակոր դեր-  
ձակին ու ասաց իշխանին.

— Ազատ թողէք դորան. դա մի

թշուառ մարդ է, որովհետև այնպիսի  
բան է յանձն առնում, ինչ որ իւր գոր-  
ծը չէ: Աս կլաւացնեմ իշխանուհուն. նա  
կառողջանայ էլ ու կուրախանայ էլ:

Դերձակին ազատեցին, իսկ անձա-  
նօթը գնաց հիւանդի մօտ. մի անգամ  
փչեց՝ հիւանդը աչքերը բացեց. դար-  
ձեալ փչեց՝ վեր կացաւ ու նստեց մահ-  
ճակալի վերայ. երրորդ անգամ էլ որ  
փչեց՝ հիւանդը սկսաւ մանգալ սենե-  
կում, բոլորովին առողջ և ուրախ...:

Իշխանը այն աստիճան ուրախացաւ,  
որ դեռ իւր կեանքում չէր ուրախացել  
այնպէս. ՚ի պատիւ անձանօթի նա  
խնձոյք տուեց և ընծայեց նորան վեց  
պարկ օսկի: Ական բազմաթիւ հիւրեր  
և սկսան ուրախութիւն անել, գինին  
առուակի պէս թափուում էր... Դերձա-  
կը փոքր ինչ խմեց ու ասաց.

— Դա միմիայն փչել գիտէ, իսկ իմ  
գործս աւելի շատ էր, ես մերկացրի իշ-  
խանուհուն, գրի կոնքի մէջ, թրջեցի ու



լողացրի ջրով. յետոյ նորից հազցրի ու  
զրի մահճակալի վերայ... Դեռ հիմի էլ  
ձեռներս ցաւում են այն մեծ աշխա-  
տանքից, իսկ նա ոչինչ չէնեց, նորա  
միակ շնորհքը փչելն է:

— Թո՛ղ այդպէս լինի, պատասխա-  
նեց անձանօթը, ճշմարիտը պէտք է ա-  
սել, որ քո չարչարանքը աւելի էր քան  
իմը:

Խնջոյքից փոքր ինչ յետոյ՝ նորա  
բաժանուեցան իշխանից ու իննը պարկ  
ոսկով շարունակեցին իւրեանց ճանա-  
պարհը... Նախանձն ու չարութիւնը ա-  
ւելի ու աւելի նեղացնում էին դերձակին:

Դ.

Չորս վերստ ճանապարհ գնալուց  
յետոյ՝ տեսան մի գետ, որ պիտի անց-  
նէին ճանապարհը շարունակելու համար,  
բայց ո՛չ նաւակ կար, և ո՛չ ուրիշ մի բան,  
որով կարողանային միւս ափն անցնել.

դետն էլ սրնթաց էր ու բաւական էլ  
լայն...

— Ա՛յժմ մենք ի՞նչ պէտք է անենք,  
հարցրեց դերձակը:

— Ա՛յ կտեսնենք, պատասխանեց ան-  
ձանօթը. այն մեծ քարը, որ այ՛հ հեռու  
տեղ ընկած է, հօ տե՛սնում ես, ան-  
շուշտ այնտեղ երբ և իցէ ջրաղաց է ե-  
ղել... Գնանք այնտեղ:

Գնացին նորա այն մեծ ու կլոր  
քարի մօտ. անձանօթը գլորեց այն քա-  
րը ջրի մէջ և սայլակը ծանրոցն ու ձի-  
ուն տեղաւորեց նորա վերայ. քարը կեն-  
դանի էակի պէս այն բոլորը հասցրեց  
միւս ափը և յետ դարձաւ իւր առա-  
ջուայ տեղը...

— Ա՛յժմ հերթը մերն է, ասաց դեր-  
ձակը:

— Ա՛յ, սպասի՛ր. միասին չենք կա-  
րող անցնել, պատասխանեց անձանօ-  
թը. — ես շատ ծանր եմ և գիտեմ, որ  
քարը հազիւ միայն ինձ կարող է տե-



ղափոխել և եթէ որ դու էլ ինձ հետ միասին կանգնես նորա վերայ, անշուշտ տակը կանի մեզ: Աւելի լաւ է, որ մէկ մէկ տեղափոխուենք, առաջ ես ու յետոյ դու:

— Ի՛հ, չէ՛, ես համաձայն չեմ. առաջ թող ես անցնեմ:

— Ի՛նչ, լա՛ւ, առաջ դու գնա:

Իերձակը պատճառ ունէր, որ վիճում էր առաջ տեղափոխուելու մասին. նա վախենում էր, թէ անձանօթը առաջ տեղափոխուելով միւս ափը, գուցէ ոսկիները վերցնի ու գնայ, իւրեանդերձակին՝ բաղտի կամքին յանձնելով... «Յետոյ իմ բոլոր աշխատանքս ՚ի զուր կանցնեն,», ինքն իւրեան ասաց դերձակն ու շուտով թուաւ քարի վերայ...

Բարը առաջ գնաց, որ դերձակին դուրս տանի միւս ափը. նա յաջողութեամբ հասաւ գետի մէջ տեղը, բայց յանկարծ չգիտեմ ինչ պատճառով սկսաւ իջնել ջրի խորքը... Իերձակը յուսահա-

տու թիւնից ձեռները շարժում էր ու աղաղակում:

— Բնկղմում եմ, ընկղմում, օգնեցէ՛ք, փրկեցէ՛ք:

— Ափրկեմ, ասաց անձանօթը. միմիայն ինձ ասա, թէ ո՞վ վերցրեց երրորդ ոսկին...

— Չգիտեմ, Աստուած վկայ չգիտեմ: Օգնի՛ր, հոգիս, ընկղմում եմ. վա՛յ, վա՛յ:

Բարը բոլորովին ծածկուեց ջրի տակ և դերձակն էլ նորա հետ միասին ընկղմուեց մինչև կէսը...

— Ասա՛, ո՞վ վերցրեց երրորդ ոսկին.

— Չգիտեմ, ես չեմ վերցրել, Աստուած վկայ չեմ վերցրել: Օգնի՛ր, ՚ի սէր Ստեղծողին, բոլորովին ընկղմում եմ: Վա՛յ, օգնի՛ր:

Նա աւելի ու աւելի ընկղմում էր ջրի մէջ և միմիայն գլուխն էր երևում գզգզած մազերով ու զարհուրած դէմքով... «Նա սորան ի՞նչ անեմ,», մտածեց անձանօթը և վազեց նորա մօտ



ջրի վերայից այնպէս, ինչպէս ցամաքի վերայ կարելի է վազել. բռնեց նորան ու ջրից հանելով՝ դուրս տարաւ միւս ափը բոլորովին առողջ ու անվնաս...  
 Միմիայն ջուրը վտակի պէս հոսում էր դերձակի վերայից. բայց նա սագի պէս ցնցուեց ու վերջացաւ ամեն բան:

Երբ նոքա առաջուան պէս նստան սայլի մէջ և փոքր ինչ առաջ գնացին, անձանօթն ասաց.

— Գիտե՞ս ինչ կայ, բարեկամ. ես կարծում եմ, որ այժմ կարիք չունիմ քեզ հետ միասին քաղաք գնալու ու քեզ ծանօթացնելու բարեկամներիս ու ծանօթներիս հետ դործ տալու համար. դու խիղջն կստանաս քո մասը ոսկին և այնչափ հարուստ կ'լինես, որ կարծեմ դերձակութիւնիցդ էլ ձեռք կ'վերցնես... Երի բաժանենք ու մենք էլ հեռանանք միմեանցից:

— Երի՛, հա ի՛նչ է, ես պատրաստ եմ: Դերձակը չափազանց ուրախացաւ,

որովհետև մինչև այդ րոպէն չէր հաւատում, թէ անձանօթը իւրեան էլ մասը պիտի տար հաւաքած ոսկուց... Նորա աչքերը վառուեցան, ձեռքերի դողն էլ բռնեց. նա մինչև անգամ պատրաստ էր նորից խոնարհել անձանօթի առաջ և այս անգամ գեանի հետ հաւասար...

Նոքա սայլը կանգնեցրին ու վայր իջան գետին. անձանօթը ոսկով լեքը սրարկերը շուռ տուեց գեանին և նոցա միջի բոլոր ոսկին հաւաքեց և դիզեց միասին. մի ոսկեայ բլրակ դառաւ, որ այնպէս էր փայլում շուրջը մի քանի վերստ հեռաւորութեամբ, ինչպէս երկնքից ցած ընկած արեգակ: Դերձակը չէր կարողանում աչքերը հեռացնել նորանից, կարծես վրէժն մեխած ունենար. նա անդադար դողում էր ու շրթունքները լեզում... Անձանօթը սկսեց երեք փոքր կոյտերի բաժանել ոսկին...

— Ինչո՞ւ այդպէս, զարմացած հարցրեց դերձակը, չէ՞ որ մենք երկու հո-



գի ենք. այդ երրորդ կոյտը ում համար  
ես պատրաստում... .

— Սպասի՛ր, իսկոյն կիմանաս...

Անձանօթը բաժանում էր ոսկին.  
Իսկ դերձակը գլուխն էր ջարդում. ասը  
ո՞ւմ պիտի հասնի այս երրորդ կոյտը.  
Ի՞նչը պիտի վերցնի... Սակայն նա ձեռ-  
ները անգործ չէր թողնում. հենց որ  
անձանօթը կմօտենար որ և է կոյտին,  
նա իսկոյն կամացմի բուռն ոսկի կվեր-  
ցնէր ուրիշ կոյտից ու կիւծէր գրպանը  
կամ ծոցը... Այդպիսով նա բոլոր բա-  
ժիններից քիչ ոսկի չգողացաւ...

Անձանօթը բաժանեց վերջացաւ ու  
ասաց.

— Իե՛հ, այժմ նայի՛ր, ա՛յ այս կոյ-  
տը ինձ, այս միւսը քեզ, իսկ այս եր-  
րորդը նորան, ով որ իմ երրորդ ոսկին  
վերցրեց...

Իերձակը ամենեւին այսպիսի խօս-  
քի յոյս չունէր, բայց ճար չկար. վեր-  
ջապէս պէտք է խոստովանէր, այլապէս

չէր կարող երրորդ կոյտ ոսկին ստա-  
նալ: Նա ծոծրակը քորելով՝ ակամեայ  
ասաց (բաւական ծանր էր այդ բոպէն  
նորա համար).

— Ե՛ս վերցրի երրորդ ոսկին...

Անձանօթը զարմացած նայեց նորան.

— Ի՞նչ, այդ կարելի բան չէ:

— Աստուած վկայ ես վերցրի:

— Այդ ե՞րբ էր... չե՛մ հաւատում...

— Նոյն իսկ բոպէին, երբ դու  
գնացիր գիւղացուց ճանապարհը հար-  
ցնելու...

— Հապա մի ցոյց տուր այն ոսկին,  
ես իսկոյն կճանաչեմ:

Իերձակը շտապով ձեռքը տարաւ  
դէպի կօշիկը. բայց այդ բոպէին յան-  
կարծ գրպանի բերանը բացուեց ու կոյ-  
տերից գողացած ոսկիները թափուեցան  
զանազան կողմերը...

— Վ՛ա՛հ, վա՛հ, այդ ի՛նչ շատ ու-  
կիք ես ունեցել, աղաղակեց անձանօթը.  
ո՞րտեղից ես դու այսքան ոսկի ձեռք բերել:



Դերձակի լեզուն շփոթութիւնից՝  
կապուեցաւ, իսկ անձանութը պատաս-  
խանեց.

— Ոսկին ում որ սիրում է, նորա  
մօտ է գնում: Այ ես քեզ հետ միա-  
սին նստած էի ոսկու մօտ, իսկ, տես,  
ինձ մօտ մի հատիկ ոսկի եկա՞ւ: Ասա-  
մենեին չեմ ուզում նորան. ա՛ռ, քեզ  
լինին բոլոր բաժինները:

Ասաց ու անյայտացաւ անձանութը.  
դերձակը չնկատեց անգամ, թէ ինչ ե-  
ղաւ նա... Բայց սակայն դերձակի հոգն  
էլ չէր, թէ ինչ եղաւ անձանութը. նա  
վրայ ընկաւ ոսկու կոյտերին, նայեց—  
այլ ևս ոսկի չէր նորա առաջ, այլ երեք  
կոյտ ամեն տեսակ աղբ ու ապականու-  
թիւն... Նա յուսահատութիւնից ա-  
ղաղակեց, վայր ընկաւ գետնին, սկսաւ  
փոքրիկ մանկան պէս հեկեկալ ու  
զարթնեց:

Ե.

Ուրեմն այդ երա՞զ էր...

Այո՛, երազ էր. բայց այնպիսի պարզ,  
որոշ երազ, որ դերձակը երկար ժամա-  
նակ անզգայացած նայում էր շուրջը,  
որոնելով իւր ոսկէ կոյտերը, որոնք աղբ  
էին դարձել և անյայտ անձանութին...  
Ոսկին կարծես դեռ էլի փայլում էր նո-  
րա աչքերի մէջ, անձանութի խօսքերը  
դեռ էլի հնչում էին նորա ականջին...  
Բայց ո՛չ մինը կար և ո՛չ միւսը. չորս  
կողմը դաշտ էր, դատարկ դաշտ, թո-  
ղոտ ճանապարհ ու նորա վերայ էլ այն  
քարը, որի վերայ դերձակը նստեց հան-  
գստանալու և որի վերայից աննկատելի  
կերպով ընկաւ խիտ խոտերի մէջ, դաւ-  
կացած լինելով անսովոր երկայն ճանա-  
պարհորդութիւնից ու նիրհելով ընկել  
էր խոր ու երկարատե երազի մէջ...



22

6. սարկ. Եռաբէլեանց— Եղանեանցի  
Թարգմանութիւնները .—

1 — ՀԱՌԱՏԱՐՄՈՒԹԻՒՆ Ը ԱՄԵՆ ԱՐԳԵԼԻՔ  
ՆԵՐՆ ՅԱՂԹՈՒՄ Է.

Գործ Ֆրանց Հօֆմանի. Երես 14<sup>1</sup>  
1877. Տփիսիս. գինն է . . . 40 Կ

2 — ԽԱՌԱՐԵՑ ԴԷՊԻ ԼՈՅՍ.

Գործ Նոյն Հօֆմանի. Երես 146.  
1877. Տփիսիս. գինն է . . . 40 Կ

3 — ԴՕՆ ՔԻՇՕՏ ԼԱՄԱՆՇԵՅԻ.

Գործ Մ. Սերվանտեսի. Համառօտ  
տպագրութիւն Վլադիմիր Տրատարա-  
կոթիւնից Թարգմանած. Երես 240.  
1878. Տփիսիս. գինն է . . . 70 Կ.

4 — ԳԵՈՐԳ ՌՕԼԼԷՍՏՕՆ.

Երես 168. 1879. Տփիսիս գինն 60 Կ.

5 — ԵՐՐՈՐԴ ՈՍԿԻ.

Եռակ Ե. Լակիրդէի. Երես 32. 1879.  
Տփիսիս. գինն է . . . . . 15 Կ.

Տպագրութեան համար պատրաստ-  
վում է "ԳԵՈՐԳ ՍՏԷՖԷՆՍՕՆՆ" .

Тип. А. Мелик—Шахназарьянца, на Мих.  
мосту д. Мирзоева

3670

~~Handwritten scribble~~

Կ. Ս. Կ. Գ. Կ. Պ. Կ.

Կարգից համարները փոխարինելու

Կարգից համարները



Handwritten text: X A H O A O

Handwritten text: S H 8

Handwritten text: Կարգից համարները փոխարինելու

2013



